

In der mitten dieser beyder Geschwader stunde
das Regiment Graff Heinrich Friderichs von Nassau
geföhrt durch Herrn Daniel vö Hartin/ Herren
von Marquette seinen obersten Leutenant / mit
samt den Compagnen Johan de Bouw/ Anthon
vö Sancy/ Frank Marschall/ Frank Marly/ Phi
lips de la Lou/ Johan Remmery/ Jonas Durant
vnd Gabriel von Montelles / welche vorhin in S.
Andreas Schank gelegen/ vnd dem von Assicourt
in Spanische dienst gewesen. In dem andern hauf
fen hielten die Schweizer/ nemblich/ Hans Krieg
von Ballichom/ Hans Saß von Bnderwaldē/ Hans
Mayer von Zürich / vnd Wilhelm Puis von New
Casteel. Darnach die Frankosen vnder dem Herzen
de la Noue/ Herzen von Chastillon: ihrem Ober
sten / zertheilt in zween hauffen/ deren einen führte
der Herz Dommeruille/ oberster Leutenant/ den an
deren der Capitein du Soult/ nemblich/ die Compa
gnen gemeltes Herren de la Noue / de la Rocque/
durch dessen Leutenant/ du Soult / de la Simendies
re/ de Marschot/ de Hamolet/ de Brusse/ de Coimie
res/ de Fort/ de Fortmentiere/ de Berneuil/ de Pone
Aubert / zusammen 12. Fehnlein. Graff Moris
hielte auch in solcher Schlachtordnung / neben
seinem Bruder Graff Heinrich/ Friderich / vnd
viel anderen Herren/ als Johan Adolff Herzog vö
Holstein/ Johan Ernst Fürste zu Anhalt/ drey Graf
fen von Solms / nemblich Graff Friderich / Graff
Albrecht / Otto / vnd Graff Heinrich Wilhelm/
dem Grafen von Coligni / Herrn von Chastillon/
des berühmten Admirals in Frankreich Enckel/
Milord Gray auß Engellād/ dem Herrn vö Divry/
Herrn Justin von Nassau/ samt viel andere treff
lichen vö Adel auß Teutschland/ Engellād/ Franck
reich